

金史詳校

金史詳校卷六

烏程施國祁學

卷六十一

宋交聘表中

世宗大定元年

辛巳

紹興三十一年

○世宗紀十一月丁酉宋

移牒三省樞密院大金大都督府牒宋國三省樞密院

國朝自太祖皇帝創業開基奄有天下迄今四十餘年

其間講信修睦兵革寢息百姓安業不意正隆失德師

出無名使兩國生靈皆被塗炭今奉新天子明詔已從

廢殞大臣將帥方議班師赴闕宜各戢兵以悖舊好須

議移牒具如前事須牒宋國三省樞密院照驗大定元

年十一月三十日銀青榮祿大夫左領軍都監開國公

蒲察龍虎衛上將軍右領軍都監徒單右領軍監軍崇

進口口右領軍監軍瀋國公徒單儀同三司右領軍副

都督函國公口口銀青榮祿大夫右領軍大都督

開國公口口太保左領軍大都督齊國公口口

○十

二月庚申遣元帥左監軍高忠建尙書禮部侍郎德昌

軍節度使張景仁以登位罷兵報諭宋國

案烏林荅暉傳世宗至中

都將遣暉使宋以罪罷遣高忠建往

一年

王午

紹興三十二年

○

宋高紀正月己丑金遣其臣高忠

口日詔左司郎中洪邁知閣門事張掄接伴邁等次盱眙金人移文欲仍舊約割淮水中分爲界以迓使者邁等貽書謂昔兩朝通好約割淮水爲界故彼此送迓使者皆於中流接見今兩國旣交兵則是大義已絕況本朝所得州軍乃是去歲與岐王兩侵之時用師克復者當爲我疆何疑如泗州臨淮虹縣等是也今當以虹縣爲我界宿州爲彼界各於此處送迎使者可也於是始從又不肯用敵國禮見邁等辭不敢納五返介而後議定二十一日各立營幕於兩界首虞姬墓以見三月十三日入見凡有所詢叩則辭以奉命報登極而已餘非臣所敢任也又曰本朝皇帝寬仁愛物尙貴朝遣一介之使往議則無不可矣○會編三月十一日以待制徐

吉知閤門孟思恭館伴赴都亭驛安泊十六日朝見茶
酒五盞十八日甲寅賜御筵樞密葉義問押伴二十日
丙辰賜宴同樞密黃祖舜押伴二十一日朝辭茶酒五
盞二十二日戊午同程太常少卿王普帶御器械王謙
爲送伴四月六日過界○世宗紀二月丁巳復陝州閤
月丙子宋人陷原州三月癸卯徒單合喜敗宋吳璘於
德順州○六月庚辰宋遣翰林學士假兵部尙書洪邁鎮

東軍節度使張掄賀登位書詞不依舊式詔邁歸諭宋

主禦侮錄三月十六日詔洪邁假兵部尙書張掄借山

宗梓官及天眷一也還河南故地二也罷臣禮及歲貢

用敵國禮三也邁等六月十日至燕京哀館之於會同

館遣兵部侍郎高文昇等接伴持所與國書及二使沿

路謝表來還云禮數未是不敢受請依前來禮例國書
用表國信稱臣方可不然臣下不敢奏知皇帝邁等對
曰昔本朝皇帝所以不憚卑屈者以太母欽宗之故也
太母欽宗既已上僊本朝皇帝又以兩國生靈之故不
欲遽違盟好拓循舊例去歲岐王首覆盟信無故與師

兩國旣已交兵則是大義已絕安可復舊禮哉文昇等
曰昨岐王無道師出無名已從廢殞矣今主上仁慈聖
德豈可復與岐王比哉若國信早換表來當卽爲奏知
有所議事庶得早畢不然恐國信卒未得見皇帝亦未
有還期邁等曰奉命出疆而擅易國書當若是耶且如
侍郎他日銜命出疆還敢以朝廷國書擅自更易否相
與辨論至晚不決文昇等去亦不具頓膳邁等皆不得
食者經夕至十二日文昇復來云不知已換書否邁等
以不敢易對又云若國信堅執不從恐爲國別生事端
邁等對曰奉命一介使耳若貴朝必欲生事無過見留
止一死耳復爭辨良久文昇怒遽揖去云國書旣不可
易國信謝表亦不可易耶請更從長計議無貽後悔文
昇旣去邁等議曰國書旣已力爭見聽如換表乃吾臣
子之辱耳似可從洎晚文昇復遣介至遂署表國書與
之去俄頃使押宴至日已夕矣至十五日方見褒首責
以國書之非禮所請三事皆不見允且言大臣議欲留
卿輩朕以卿將命遠來良勞姑且歸之歸爲朕語倘以
舊境見還復篤鄰好可也邁等唯唯而退○世宗紀七
月丁酉○七月丙午宋主內禪宋孝紀七月甲辰遣○
復原州○七月丙午宋主內禪劉珙等使金告卽位○

八月宋遣中書舍人劉珙知閤門事張說來告卽位不

納禦侮錄七月二十九日詔遣劉珙張說充告登寶位

使副往焉泊抵界金人移文若割還舊界盡復舊禮

歲幣方許不然不敢納使遣介往來辨論幾月不納而

還○世宗紀九月甲午朔敗吳璘於德順州癸亥宗尹

復汝州○十月己丑詔左副元帥紇石烈志甯伐宋○十

一月癸巳朔詔右丞相僕散忠義伐宋僕散忠義傳使

浚云可還所侵本朝內地各守自來畫定疆界凡事一

依皇統以來舊約帥府亦當解嚴如必欲抗衡請會兵

相見浚復書曰疆場之一彼一此兵家之或勝或負何常之有當置勿道謹遣官寮敬造麾下議之

三年

癸未

宋孝宗隆興元年

○

世宗紀正月癸丑復取德順州

州皆復五月丙午宋人破

宿州癸丑志甯復宿州○十月宋遣借宣教郎盧仲

賢李適充計議使

僕散忠義傳以書責宋宋同知樞密

狀歸海泗唐鄧州所侵地約爲叔姪國。宋孝紀八月
戊寅金帥志甯以書求海泗唐鄧四州地及歲幣丙戌
遣幹辦官盧仲賢奉書至金帥府戒勿許四州差減歲
幣十一月仲賢以忠義遺省院書來庚子遣王之望等
爲通問使癸丑以胡昉楊由義爲通問國信所審議官
。禦侮錄八月十日督府准金帥移文欲修和好張浚
以聞詔擇機辨者往議督府薦布衣盧仲賢李適往並
偕宣教郎爲樞密院計議官使焉十一月二日仲賢等
還言以十一月一日至汴見大帥大懷忠議欲求割河南
地及所與大金歲幣如舊契升數彼此用敵國禮各不
還歸附人四事爲請金帥從其二割地歲幣二說不見
聽仲賢等與之辨論數日卒如其議而歸二相怒下二
人於獄詔遣權吏部侍郎王之望知閤門事龍大淵充
和議使復往議焉臺諫力爭不可遣使宰相乞解機政
太上深勸令和遂決議遣使十二月九日詔別遣胡昉
楊由義充審議使並偕宣教郎先往焉金人果有求和
之意則遂遣王之望等往議

四年

甲申
隆興二年

○正月丁酉宋遣借迪功郎胡昉從義郎

楊由義充國信審議官

禦侮錄元年十二月二十七日
昉等人北界二年正月十一日

昉等見金帥大懷忠懷忠與數人坐府詞禮甚倨北向
坐昉等於庭首問南朝已許割還我侵地歸我叛亡及
歲幣如舊數今汝等復來何議昉等對曰此特元帥所
欲耳本朝初未嘗許也昨盧仲賢等還云已議定各不
還叛亡止是歲幣與契丹舊數約爲叔姪之國耳懷忠
云仲賢已有供認文字在此遂取以示昉等云仲賢擅
自妄許豈足憑信況彼使還日持貴朝所回國書用舊
禮不爭尙且重寘憲典況此將命失辭朝廷聞之豈得
不行誅竄懷忠復云昨爲南宋所侵地我已漸取了止
唐鄧海泗尙在彼我若出師便可得但惡多殺耳宋朝
若以生靈之故善割地還我以約和此萬世之利也不
然江南兵弱民困豈所利哉昉云昉等之來止奉命審
議而已審貴朝果有尋盟之意則朝廷已差王之望至
此議矣餘非昉等敢任也懷忠曰宋朝若欲求和非以
此見從不可昉等曰所謂和好初非本朝求之以元帥
先移文督府來故也本朝皇帝恐爲貴朝見欺初不肯
遣使而太上愛惜生靈不欲杜絕來命謂旣約不還叛
亡不歸侵地故遣昉等來審之今元帥復有此議是果

無意於和特見欺耳又與之反覆辯論殊不少屈懷忠大怒命吏引昉等出被以桎梏幽窟室中二十餘日累使人說誘必令承伏昉等以死固執不可至二月二日以金主命釋歸遂罷王之望使命不遣。書錄解題隆興奉使審議錄一卷左奉議郎雍希稷堯佐撰隆興二年編修官胡昉問門祇候楊由義使金入軍前審議海泗唐鄧等事不屈而歸希稷其禮物。○胡昉以湯思退官也所記抗辯應對之語多出由義。

書稱姪國不肯加世字忠義執昉詔釋之

僕散忠義傳四年正月宋

使胡昉以右僕射湯思退書來宋稱姪國不肯加世字忠義執昉留軍中荅其書使使以聞詔曰行人何罪遣胡昉還國。孝紀二月乙酉胡昉自宿州還初金帥以昉等不許四郡械繫之昉等不屈金主命歸之三月丙戌朔詔王之望等以幣還。○九月宋遣戶部郎中魏杞知閤門事康

謂充通問使

宋孝紀八月壬午遣魏杞等為金國通問使。禦侮錄八月大懷忠遺書約和至軍

前詔遣魏杞康謂充通問使往焉及境志甯拒不納退換國書至屢易邀求金幣必如舊數又求割唐鄧海泗

之地朝廷悉皆從之又渝原約復求商
秦之地遣使往來商議幾月不能決
○辛丑志甯渡

淮取盱眙濠廬和滁等州
宋孝紀九月辛丑金人犯邊

甲寅魏杞至盱眙金帥以國書未如式弗受欲得商秦
地及俘獲人且邀歲幣三十萬杞未得進○禦侮錄金

帥志甯憤然揮衆壓境求割商秦之地請還叛亡復有
借兩淮牧馬之言乘我無備遣游騎侵掠濠州守將孔

福知盱眙軍郭淑望
風奔北兩淮震擾
○十一月乙酉徒單克甯克楚州

宋孝紀十月辛巳金人分道渡淮十一月丁亥命杞留
鎮江○禦侮錄十一月初三日金人率步騎數萬分兩

路南寇一自渦口結筏攻濠州陷之一自清河渡河攻
楚州陷之盱眙廬滁相繼失守○克甯傳是時宋屢使

使請和尙遷延有請及克
甯取楚州宋人乃大懼
○閏月丙辰宋遣假承節郎

王朴齋周葵書來約和議始定
宋孝紀十一月丙申遣

周葵書如金帥府請正皇帝號爲叔姪國易歲貢爲歲
幣減十萬割商秦地歸被俘人惟叛亡者不與誓目大

略與紹興同閏月丙辰王抃見金二帥皆得其報書以歸。禦侮錄十一月十五日志甯移文約和詔遣王抃借承節郎往二十七日入北界金帥許和收兵北歸閏月一日見金帥於穎濱定約並用先朝與契丹澶淵盟誓舊禮書題稱為叔姪彼此不還叛亡歲幣○十二月減十萬之數地界如紹興之時至是還奏

宋復遣王抃為國信參議官持陳康伯報書來

宋孝紀閏月丙

子以王抃為奉使金國通問國信所參議官持陳康伯報書以行丁丑金遣張恭愈來迓使者十二月戊子魏杞始北渡丙申遣洪适等賀金主生辰。禦侮錄閏月詔遣魏杞康誦充通問和好使副往焉十二月十三日魏杞等入北界。僕散忠義傳和議定宋遣魏杞康誦充使取到宋主國書式并副本宋世為姪國約歲幣為二十萬兩四國書仍書名再拜不稱大字

五年

乙酉

宋改乾道元年

○正月癸亥宋遣通問使禮部尙書

魏杞崇信軍承宣使康潛奉國書及誓書入見

世宗紀正月己

未來書不稱大稱姪宋皇帝稱名

拜奉書於叔大金

皇帝歲幣二十萬。宋史魏杞傳

通問使館伴使張

恭愈。禦侮錄三月二日杞還奏金主甚寬和每言及

太上皇帝必起立且言兩國結好當彼此守之勿渝今

我與皇帝既為叔姪上皇即我兄也願永以兄事之杞

曰此南北生靈之福也辭還撫勞甚渥云當即遣報使

往○二月壬午以殿前左副都檢點完顏仲太子詹事

楊伯雄報問宋國

宋孝紀四月庚子金報問使完顏仲

金遣驃騎將軍殿前左副都點檢侍衛親軍都指揮使

完顏仲翰林直學士口口大夫知制誥兼祕書省著作

郎楊伯雄充報問和好使副入界詔刑部侍郎李若川

知閣門事張說接伴四月九日入國門以商議禮數未

定未肯朝見蓋昔北使持國書皇帝下御榻親受之然

後付通事舍人啓緘今議止令通事舍人受之發緘以

進故仲等堅持不可若川諭曰昔本朝不得已臣事貴

朝故禮有加今既為敵國豈得復循舊禮仲曰雖非君

臣要是叔姪耳亦宜加禮相辯論十餘日不決以太上

皇帝命令皇子鄧王受書以進於是始從二十三日廷

見既受書鄧王皇帝坐而御之仲等不悅頗多慢言參政虞允文與之交論楊前聲色甚厲上怒將留不遣太
上皇不可羣臣皆言兵端未易開始已之二十九日引辭所勞遣禮物比舊例差損仲等堅留館中不去必欲得如舊數既與之始去然金主褻自得講修好每使命至必待以甘言厚禮惟恐和之不就而其羣下非所願也故仲等敢肆傲慢者正欲害其成耳。仲傳五年爲報問使請與宋主相見禮儀世宗曰宋主親起立接書則受之至宋一一如禮。文獻通攷孝宗乾道後北使每歲兩至必用樂但呼市人使之不置教坊止令修內司先兩旬教習舊例每用樂人三百人百戲軍百人百禽鳴二人小兒隊七十一人女童隊百三十七人築球軍三十二人起立門行三十二人旗鼓四十人相撲等子二十一人上命罷小兒及女童隊餘用之。○三
月庚戌朔宋遣禮部尙書洪适崇信軍承宣使龍大淵賀萬春節宋史洪适傳金既尋盟首爲賀生辰使金遣高嗣先接伴。隸釋載适訪碑事。宋孝紀
五月丙子遣李若川等使金賀上尊號○八月癸巳宋遣吏部尙書李若

川甯國軍承宣使曾覲賀上尊號○九月丁未朔以吏

部尙書高衍大理卿移刺道爲賀宋生日使

高衍傳五年爲使中

道得疾去職○

宋孝紀十月己卯遣方慈等使金賀正

旦丁酉金遣高衍等來賀會慶節○

案宋孝紀孝宗十

月二十二日生○十一月戊午以殿前左副都點檢烏

禮志爲會慶節

古論忠弼尙書禮部侍郎劉仲淵爲賀宋正旦使

宋孝紀十

二月癸未遣王曦等使金賀生辰壬寅金遣烏古論忠

弼來賀明年正旦○武林舊事北使到關先遣伴使賜

御筵於赤岸之班荆館中使傳宣撫問賜龍茶一觔銀

合三十兩次日至北郭稅亭茶酒上馬入餘杭門至都

亭驛中使傳宣賜龍茶銀合如前又賜被褥銀鈔鑪等

明日臨安府書送酒食閤門官說朝見儀投朝見榜子

又明日入見於紫宸殿見畢赴客省茶酒遂賜宴於垂

拱殿酒五行從官以上與坐是日賜茶酒名果又賜使

副衣各七事幘頭牙笏二十兩金帶一條并金魚袋鞵

一雙馬一匹鞍轡一副共折銀五十兩銀鈔鑪五十兩

色綾絹一百五十匹餘並賜衣帶銀帛有差明日賜牲
餽折博生羅十匹綾十匹絹布各兩匹朝見之二日與
伴使偕往天竺寺燒香賜銀三十兩并齋筵乳餽酒果
次至冷泉亭呼猿洞游賞次日又賜內中酒果風藥花
餽赴守歲夜筵用傀儡元正朝賀禮畢遣大臣就驛賜
御筵中使傳宣勸酒九行三日客省發賜酒食禁中賜
酒果遂赴浙江亭觀潮酒七行四日赴玉津園燕射命
善射者假官伴之賜弓矢酒行樂作伴射與大使射弓
館伴與副使射弩酒九行五日大宴集英殿尙書郎官
監察御史以上並與學士院撰致語六日裴班朝辭退
賜襲衣金帶三十兩銀鈔鐶五十兩紅錦二色綾二匹
小綾十匹色絹三十匹雜色絹一百匹餘各有差臨安
府書送贈儀復遣執政就驛賜宴晚赴解換夜筵伴使
始與親勸酬且以衣物爲賄謂之私覲次日賜龍鳳茶
金銀合乘馬出北關登舟又次日遣近臣賜御筵自到
闕至朝辭密賜大使銀一千四百兩副使八百八十兩
衣各三襲金帶各三條都管上節各銀四十兩衣二襲
下節各銀三十兩衣二襲塗金帶副之○案忠弼表作

馬粘沒

六年

丙戌 乾道二年

○正月丙午朔宋遣戶部尚書方慈福州

觀察使王抃賀正旦

案慈表作茲

○三月甲辰朔宋遣吏部

尚書王曦利州觀察使魏仲昌賀萬春節○九月丁未

以戶部尚書魏子平殿前左衛將軍夾谷查刺為賀宋

生日使

宋孝紀十月乙亥遣薛良朋等使金賀正旦辛卯金遣魏子平等來賀生辰

○十一

月癸丑以殿前右副都點檢駙馬都尉烏古論元忠少

府監張仲愈為賀宋正旦使

宋孝紀十二月乙亥遣梁克家等使金賀生辰丙申

金遣烏古論元忠來賀明年正旦

七年

丁亥 乾道三年

○正月庚子朔宋遣試工部尚書薛良朋

昭慶軍承宣使張說賀正旦○三月己亥朔宋遣翰林

學士梁克家安慶軍承宣使趙應熊賀萬春節

宋孝紀五月乙

亥金遣使索被俘人

○九月乙丑朔以勸農使蒲察莎魯窩東上

閤門使梁彬爲賀宋生日使

宋孝紀十月丁酉遣唐瑑等使金賀正旦乙卯金遣

莎魯窩等來賀生辰

○十一月辛未以河間尹徒單忠衛等爲賀

宋正旦使

宋孝紀十二月己亥遣王淪等使金賀生辰庚申金遣徒單忠衛等來賀明年正旦○案

忠衛表作克甯

八年

戊子乾道四年

○正月甲子朔宋遣試戶部尙書唐瑑保

甯軍承宣使宋鈞賀正旦○三月癸亥朔宋遣試工部

尙書王淪等賀萬春節

張景仁傳八年爲詳讀官宋國書中有寶鄰字景仁奏鄰字太

涉平易上問累年國書有鄰字否命一一校勘六年書中亦有之詔有司就諭宋臣王淪使歸告其主後日國

書不得復爾 ○九月癸亥以右宣徽使移刺神獨幹太府監

高彥佐爲賀宋生日使

宋孝紀十月壬辰遣鄭聞使金賀正旦己酉金遣神獨幹來賀

生 ○十一月以同簽大宗正事完顏仲仁尙書右司郎

中李昌圖爲賀宋正旦使

宋孝紀十二月丙申遣胡元質等賀金主生辰甲寅金遣

完顏仲仁來賀明年正旦○案完顏仲仁表作宗室關合土

九年

己丑乾道五年

○正月戊午朔宋遣試工部尙書鄭聞明

州觀察使董誠賀正旦 ○三月丁巳朔宋遣翰林學士

胡元質保康軍承宣使宋直溫賀萬春節 ○九月甲寅

朔以刑部尙書高德基等爲賀宋生日使

德基傳爲宋使及還宋人

禮物外附進臘茶三千勝不親封署日燈獻叔而不署是無名之物也御之○宋孝紀十月乙酉遣汪大猷等

便金賀正旦癸卯金遣 ○十一月辛酉以京兆尹宗室

高德基等來賀生辰 毅尚書左司郎中牛德昌爲賀宋正旦使宋孝紀十二月己丑遣司

馬伋等賀金主生辰戊申金遣完顏毅等來賀明年正旦

十年庚寅 ○正月壬子朔宋遣試吏部尚書汪大猷

甯國軍承宣使曾覲賀正旦書錄解題北行日錄一卷參政樓鑰大防乾道己丑

待次温州教授以書狀官從其舅汪大猷仲嘉使金紀

行○曾覲海野集有金人捧露盤詞○北行日錄左宣

徽敬嗣 ○三月壬子朔宋遣試工部尚書司馬伋泉州

觀察使馬定遠賀萬春節世宗紀三月丙辰上命護衛中善射者押賜宋使射弓宴

宋使中五十押宴者才中其七上謂左右將軍曰護衛

弓矢不習將焉用之○宋孝紀閏五月戊子使范成大

等新請全國○本表云閏五月丁酉尚書省奏 ○九月

宋祈請使赴闕日期詔以九月十一日朝見 ○九月

壬午以簽書樞密院事移刺子敬宮籍監張僅言爲賀

宋生日使

李心傳建炎以來朝野雜記故事北使來朝例錫花宴如在大祀齋中不用樂乾道三年

金使朝會慶節上壽在親郊散齋之內陳正獻請令節伴禮諭之卒詔垂拱上壽止樂而正殿爲北使權用六年生辰使十月癸酉當辭復在散齋之內時趙溫叔爲館伴奏決不可用樂且言萬一使臣不顧臣當奏乞宣諭敬天之意若必使樂乞移此茶酒就驛中管領上納用焉自此始去樂論者譏之○宋史趙雄傳金使耶律子敬來賀會慶節雄館伴○丙戌宋遣祈請使資政殿大學士范成

大崇信軍節度使康潛至求免起立接受國書詔不許

歸潛志郭志通爲太常博士宋遣國信使以申議爲名將有所求也宰相下其事於禮官諸公環視未對子通曰申者重也再也自大定甲申講和之後盟約既定無復再議之事且以小事大若有所請亦難申議之名宰相是之後宋使之來改曰祈請議者服其遠識○宋孝紀十月辛酉遣呂正己等使金賀正旦丁卯金遣耶律

子敬來賀生辰○書錄解題攬轡錄一卷參
政范成大至能乾道六年使金所記聞見 ○十一月

丁亥以太子詹事蒲察愿同知宣徽院事韓綱爲賀宋

正旦使

宋孝紀十一月遣趙雄等使金賀生辰十二月
壬申金遣蒲察愿等來賀明年正旦○案愿表

作蒲
速越

十一年

辛卯
乾道七年

○正月丙子朔宋遣試工部尙書呂正

己利州觀察使辛堅之賀正旦○三月乙亥朔宋遣翰

林學士趙雄泉州觀察使趙伯驪賀萬春節

宋孝紀六
年十月遣

趙雄賀金主生辰別函書請更受書之禮七年三月乙

亥朔雄至金金拒其請○攻魏集益國周公碑趙丞相

雄以中書舍人奉使賀金主生辰宗室伯驪爲升御札
使兼齋國書一封理會受書公立具草云尊卑分定或
校等威叔姪情親
豈嫌坐起云云 ○八月丁巳以尙書刑部侍郎駙馬

都尉烏林荅天錫御史中丞李文蔚為賀宋生日使

宋史

虞允文傳金使烏林荅人見驕甚固請上降榻問金主起居上不許○宋孝紀十月己酉遣莫濛使金賀正旦

壬戌金遣烏林荅來賀生辰○十一月丁丑以西南路招討使宗甯

戶部侍郎程輝為賀宋正旦使

宋孝紀十二月丁未遣翟絳等賀金主生辰丙寅

寅金遣完顏宗甯來賀明年正旦○案宗表作崇

十二年

壬辰

乾道八年

○正月庚午朔宋遣試工部尙書莫濛

利州觀察使孫顯祖賀正旦

案濛傳有不簪花事

○三月己巳朔

宋遣龍圖閣學士翟絳宜州觀察使祖士粲賀萬春節

○四月丁卯宋遣試吏部尙書姚憲安德軍承宣使曾

覲賀加尊號

宋孝紀三月口口遣姚憲使金賀尊號請受書之事七月辛巳憲至自金金拒

請○書錄解題乾道奉使錄一卷參政
諸暨姚憲令則乾道壬辰使金日記 ○九月辛巳以

殿前右副都點檢夾谷清臣尙書左司郎中張汝弼爲

賀宋生日使宋孝紀十月丁未遣馮樽使金賀正○十

一月丙子以戶部尙書曹望之尙書右司郎中紇石烈

哲爲賀宋正旦使宋孝紀十二月口口遣韓元吉使金賀生辰辛酉金遣曹望之來賀明年

正旦

十三年癸巳乾道九年○正月乙丑朔宋遣試吏部尙書馮樽

泉州觀察使龍雲賀正旦○三月癸巳朔宋遣試禮部

尙書韓元吉利州觀察使鄭興裔賀萬春節案絕妙好詞元吉有

汴京好事近詞○八月丙戌以殿前左副都點檢宗室襄國子

司業張汝霖爲賀宋生日使

宋孝紀九月庚子命盱眙軍以受書禮儀牒泗州示

金生辰使金使不從十月甲子遣留正使金賀正旦庚辰金遣完顏襄來賀生辰丁亥襄人辭別函申議受書

禮○十一月甲午以大興尹璋客省使高翊爲賀宋正

旦使

璋傳受命使宋既行上遣人馳諭璋曰宋人若不遵舊禮慎勿付書如不令卿等入見卽持書歸若

迫而取之亦勿赴宴其回書及禮物一切勿受璋至臨安宋人請以太子接書不從宋人就館迫取書璋與之

且赴宴多受禮物上怒杖璋百五十除名副使高翊杖百沒入所受禮物○宋孝紀十二月乙丑遣韓彥直賀

金主生辰乙酉金遣完顏璋等來賀明年正旦以議受書禮不合詔俟改日以太上旨姑仍舊丁亥乃入見

十四年

甲午

宋改清熙元年

○正月己丑朔宋遣翰林學士留

正利州觀察使張薳賀正旦

本表云癸巳宋使朝辭尙書省奏宋來書語涉平易

遣人就館諭宋使○齊東野語清熙歲幣又有起發使副土物之費正使五百貫銀絹各一百兩匹副使四百

買銀絹各一百兩匹又有公使茶藥等錢上節銀絹各十五兩匹中節銀絹各十兩匹下節銀絹各五兩匹又有朝辭回程宣賜等費正副使各金二十五兩并腰帶笏馬回程茶藥各二兩銀合泛賜等物在外○二

月丙寅以刑部尚書梁肅趙王府長史蒲察守中爲詳

問宋國使

梁肅傳十四年以爲詳問使書略曰盟書所載止於帝加皇字免奉表稱臣稱名再拜量

減歲幣便用舊儀親接國書茲禮一定於今十年今知歲元國信使到彼不依禮例引見輒令迫取於館姪國禮體當如是耶往問其詳宜以誠報肅至宋宋主一一如約立接國書肅還附書謝其略曰姪宋皇帝謹再拜致書於叔大金應天興祚欽文廣武仁德聖孝皇帝闕下惟十載遵盟之久無一毫成約之違獨願禮文宜存折衷矧辱函封之貺尚循躬受之儀旣俯迫於輿情嘗屢伸於誠請因歲元之來使遂商榷以從權敢勞將命之還先布鄙悰之懇自餘專使肅控請祈○攻媿集趙公粹中碑淳熙元年金遣泛使來公充接送伴使○中州集宋楫傳以省掾從行作射虎詩刻石○三月戊子於鎮淮堂卽此○案守中表作譌里刺

朔宋遣戶部尙書韓彥直保信軍承宣使劉炎賀萬春

節朱孝紀三月癸丑金遣梁肅來計○九月乙未以兵

部尙書完顏讓祕書少監賈少冲爲賀宋生日使賈益

四年父少冲充生日副使益待行是時宋人方爭起立

何益曰守死無何益曰守死無○已酉宋遣試工部尙書張子顏明州

觀察使劉宥爲報聘使仍求免起立接書詔不許統石

弼傳梁肅還宋遣工部尙書張子顏知閤門事劉宥來

遂閱於十年修兩朝聘問之勤繼好靡忘於一日惟是

函書之受當新賓接之儀當空臆以屢陳飭行人而再

表爲書恩賜亦已多今又乞免親接國書是無厭也必

承大統愈見自尊奈何以若所爲尙求其欲矧曰已行

之禮靡得而更其授受禮儀終不復改○宋孝紀十月壬戌遣蔡洸使金賀正旦乙亥金遣完顏讓來賀生辰

○十一月丙申以御史中丞劉仲誨殿前左衛將軍紇

石烈奧也爲賀宋正旦使劉仲誨傳十四年歲元使宋主欲變親起接書之儀遣館

伴王抃來議曲辯強說要以必從曰使臣奉命遠來修好固欲成禮而信約所載非使臣輒敢變更公等宋國

腹心毋僥幸一時失大國歡竟用舊儀親起接書成禮而還○宋孝紀十二月壬戌遣吳琚使金賀生辰壬申

金遣劉仲誨來賀明年正旦

十五年乙未○正月甲申朔宋遣試戶部尙書蔡洸

江州觀察使趙益賀正旦○三月壬午朔宋遣吳琚等

賀萬春節○九月己未以歸德尹完顏禧客省使盧璣

爲賀宋生日使宋孝紀八月丁丑遣左司諫湯邦彥等使金中議十月乙酉遣謝廓然使金賀

正旦戊戌金遣完顏禧來賀生
辰○案禧表作王祥卽元宜子○十一月戊午以右宣

徽使完顏迨拱衛直都指揮使高運國爲賀宋正旦使

宋孝紀十二月辛巳遣張宗元賀金主生辰甲
辰金遣完顏迨來賀明年正旦○案迨表作靖

十六年

丙申

消熙三年

○正月戊申朔宋遣試戶部尙書謝廓

然泉州觀察使黃夷行賀正旦○三月丙午朔宋遣試

工部尙書張宗元利州觀察使謝純孝賀萬春節世宗紀日

食改用

明日○壬子宋遣翰林學士知制誥湯邦彥昭信軍

承宣使陳雷奉書求河南陵寢地上以書荅之不許宋孝

紀四月丁酉湯邦彥等奉使無狀除名○宋史李彥穎
傳二年閏九月金使至上諭使稍變書儀彥穎曰此於
國體無損若去年張子顏之行不但無益右司
諫湯邦彥自許立節他日遂以爲申議國信使○九月

癸丑以殿前都點檢蒲察通尙書左司郎中張亨爲賀

宋生日使

宋孝紀十月癸未以閭蒼舒使金賀正旦壬辰金遣蒲察通來賀生辰

○十一

月戊午以同知宣徽院事劉珣近侍局使烏林荅愿爲

賀宋正旦使

宋孝紀十一月庚午遣張子正使金賀生辰十二月戊戌金遣劉珣來賀明年正旦

十七年

丁酉 宣熙四年

○正月壬寅朔宋遣試吏部尙書閻蒼

舒江州觀察使李可久賀正旦

蘆浦筆記蒼舒有汴京水龍吟詞

○三

月辛丑朔宋遣試戶部尙書張子正明州觀察使趙士

葆賀萬春節

周輝北轅錄作待制敷文閣張子政○歸潛志有大雨放朝事

○九月辛

丑以殿前右副都點檢完顏忠提點太醫院曹士元爲

賀宋生日使

宋孝紀十月丙子遣錢良臣使金賀正旦金遣完顏忠來賀生辰○案忠表作

習泥烈

○十一月丙辰以延安尹完顏炳左諫議大夫鄭

子聃爲賀宋正旦使

宋孝紀十一月癸亥以趙思使金賀生辰十二月壬辰金遣完顏炳

來賀明年正旦

十八年

戊戌 清熙五年

○正月丙申朔宋遣翰林學士錢良臣

嚴州觀察使延璽賀正旦○三月乙未朔宋遣試吏部

尙書趙思宜州觀察使鄭槐賀萬春節○九月辛未以

大理卿張九思殿前左衛將軍宗室崇肅爲賀宋生日

使

宋孝紀十月庚子以宇文价使金賀正旦辛亥金遣張九思來賀生辰○宋史邱密傳爲接伴使有論晦

日○十一月壬申以靜難軍節度使烏延察太府監王

汝楫爲賀宋正旦使

宋孝紀十一月辛卯遣錢冲之使金賀生辰十二月丙辰金遣烏延

案來賀明年正旦○案查刺傳有淮上射柳事

十九年

己亥 淳熙六年

○正月庚申朔宋遣戶部侍郎宇文价

江州觀察使趙鼎賀正旦○三月己未朔宋遣龍圖閣

學士錢冲之潭州觀察使劉咨賀萬春節○九月戊午

以左宣徽使蒲察鼎壽尙書刑部郎中高德裕爲賀宋

生日使

宋孝紀十月辛卯遣陳峴使金賀正旦乙巳金遣富察來賀生辰

○十一月壬

戌以御史中丞移刺慥東上閣門使左光慶爲賀宋正

旦使

宋孝紀十一月口口遣傅淇賀金主生辰十二月庚戌金遣移刺慥來賀明年正旦

二十年

庚子 淳熙七年

○正月甲寅朔宋遣試禮部尙書陳峴

宜州觀察使孔異賀正旦○三月癸丑朔宋遣試工部

尙書傅洪婺州觀察使王公弼賀萬春節○九月壬戌

以太府監李侑尙書左司郎中完顏烏里也爲賀宋生

日使宋孝紀十月戊子遣葉宏使金賀○十一月乙丑正旦庚子金遣李侑來賀生辰

以真定尹駙馬都尉徒單守素左諫議大夫楊伯仁爲

賀宋正旦使宋孝紀十一月癸酉遣蓋經賀金主生辰

二十一年辛丑○正月戊申朔宋遣龍圖閣學士葉洵熙八年

宏福州觀察使張詔賀正旦○三月丁未朔宋遣試戶

部尙書蓋經閬州觀察使裴良能賀萬春節○八月乙

丑以殿前右副都點檢完顏寔尙書左司郎中鄧儼爲

賀宋生日使宋孝紀十月己酉遣施師點使金賀正旦

甲子金遣完顏寔來賀生辰○案寔表作

胡什賚 ○十一月以魏貞吉等爲賀宋正旦使宋孝紀十一月丁酉

遣燕世良賀金主生辰十二月戊辰金遣魏貞吉等來賀明年正旦以爭執進書儀帝還內遣王抃往諭旨已

已奉書

入見

二十二年

壬寅 清熙九年

○正月壬申朔宋遣假翰林學士施

師點等賀正旦

案師點傳有正人眼明語

○三月辛未朔宋遣燕世

良等賀萬春節 ○九月戊寅以殿前左衛將軍完顏宗

回翰林直學士呂宗翰爲賀宋生日使

宋孝紀十月戊戌遣王蘭使金

賀正旦戊午金遣完顏宗回來賀生辰 ○案宗回表作禪赤

○十一月丙子以吏部

尙書李术魯正都水監宋中爲賀宋正旦使

宋孝紀十一月丙戌

遣賈選賀金主生辰十二月癸亥金遣李术魯正來賀明年正旦 ○案正表作阿魯罕

二十三年

癸卯 淳熙十年

○正月丁卯朔宋遣試吏部尚書王

蘭明州觀察使劉攽賀正旦○三月丙寅朔宋遣試工

部尚書賈選武奉軍承宣使鄭興裔賀萬春節

世宗紀 四月辛

丑定奉使三國人從差遣格

○九月己巳以同簽大宗正事宗室方

同知宣徽院事劉瑋爲賀宋生日使

宋孝紀九月乙酉遣余端禮使金賀

正旦十月壬子金遣完顏方來賀生辰十一月丁巳遣陳居仁賀金主生辰

○閏十一月甲

午以西京留守宗室婆盧火尙食局使李漣爲賀宋正

旦使

宋孝紀十二月丁亥金遣婆盧火來賀明年正旦

二十四年

甲辰 淳熙十一年

○正月辛卯朔宋遣顯謨閣學士

余端禮宜州觀察使王德顯賀正旦

誠齋集端禮銘作權吏部侍郎兼太

子詹 ○三月庚寅朔宋遣試吏部尙書陳居仁隨州觀

察使賀錫賀萬春節 ○八月癸亥以太府監張大節尙

書左司郎中婆盧火爲賀宋生日使 宋孝紀八月庚申遣章森等使金賀

正旦十月乙丑遣王信等賀金主生辰丙子金遣張大節來賀生辰 ○十一月甲午詔上

京地遠天寒行人跋涉艱苦來歲宋國正旦生日並不

須遣使 宋孝紀十二月丙子盱眙軍言金人牒以上京地寒來歲正旦生辰使權止一年

二十五年 乙巳 宣熙十二年 ○十一月甲午以臨潢尹僕散守

忠御史中丞馬惠迪爲賀宋正旦使 案忠表作中

二十六年 丙午 宣熙十三年 ○正月庚辰朔宋遣試禮部尙書

王信明州觀察使吳瓌賀正旦 案表高麗下云以宣孝太子未大燒飯詔停三

日曲宴禮三國人
使各賜在館宴
○三月己卯朔宋遣試戶部尚書章

森容州觀察使吳曦賀萬春節○八月辛卯以益都尹

完顏老左諫議大夫黃久約爲賀宋生日使
宋孝紀九月口口遣

李獻使金賀正旦十月甲午金遣完顏老來賀生辰○案老表作崇浩
○十一月辛亥以

刑部尚書移刺子元尚書左司郎中馬琪爲賀宋正旦

使
宋孝紀十一月庚申遣張叔椿賀金主生辰十二月己亥金遣移刺來賀明年正旦

二十七年
丁未 淳熙十四年
○正月癸卯朔宋遣試刑部尚書

李巖漳州觀察使趙多才賀正旦○三月癸卯朔宋遣

試兵部尚書張叔椿鄂州觀察使謝卓然賀萬春節○

九月己酉以借吏部尚書河中尹田彥皋近侍局使完

顏琥為賀宋生日使

宋孝紀九月丙午遣萬鍾使金賀正旦○案琥本思陵錄表作鵲殺

虎

○十月乙亥宋前主構殂

宋孝紀十月丙子遣使告哀於金戊子遣使賜遺留

物己丑金使來賀詔免入見卻其書幣

○十一月庚戌以殿前左副都點

檢崇安翰林侍講學士兼御史中丞李晏為賀宋正旦

使

宋孝紀十一月戊申遣胡晉臣使金賀生辰○案思陵錄作兵部尚書宗卞祕書少監李晏不合○宋孝

紀十二月癸巳入見于垂拱殿之東楹素幄詔禮物毋入殿付之有司

○十二月壬午宋

遣敷文閣學士韋璞鄂州觀察使姜特立來告哀

二十八年

戊申

宣熙十五年

○正月丁酉朔宋遣試工部尚書

萬鍾宜州觀察使趙不違賀正旦○癸卯以左宣徽使

駙馬都尉蒲察克忠戶部尚書劉瑋為宋弔祭使

宋孝紀二

月丁亥行禮于德壽殿
見帝于東楹之素幄
○二月己丑宋遣試戶部尚書

顏師魯福州觀察使高震來進其前主遺留禮物
世宗紀癸

已宋使朝辭以所獻禮物中玉器五玻璃器二十及弓劍之屬使還遺宋曰此皆爾國前主珍玩之物所宜寶藏以毋忘追慕今受之義有不忍歸告爾主使知朕意○宋孝紀二月癸巳遣使如金報謝
○三月

丁酉朔宋遣試戶部尚書胡晉臣鄂州觀察使鄭康孫

賀萬春節○五月甲辰宋遣試禮部尚書京鏗容州觀

察使劉端仁來報謝○九月丙申以禮部尚書王克溫

客省使完顏琥爲賀宋生日使
宋孝紀九月己酉遣鄭僑使金賀正旦十月癸

未金遣王克溫來賀生辰○宋光紀十一月庚子遣何澹賀金主生辰○案此本思陵錄表作安武節度近侍

局鶻殺虎
○十一月甲辰以吏部尚書田彥皋戶部郎中耶

律仲方爲賀宋正旦使

宋光紀十二月戊子金遣田彥舉來賀明年正旦○案此亦本

思陵錄表作河中尹吏部侍郎移刺仲方

二十九年

己酉

淳熙十六年

○正月壬辰朔宋遣顯謨閣學士

鄭僑廣州觀察使張時修賀正旦上大漸宋正旦使遣

還

書錄解題奉使執禮錄一卷進士鄧儼撰淳熙己酉中書舍人莆田鄭僑惠叔使金賀正會其主雍病篤

欲令於閤門進國書僑不可已而雍殂遂同

○甲辰遣大理卿王元德等報

哀於宋

張暉傳兼太常丞充宋國報諭使

○二月宋主內禪子惇嗣位

宋光紀二月壬戌卽位壬申遣羅點等使金告登寶位乙亥遣諸葛廷瑞使金弔祭

○遣張萬公

等使宋賜遺留物

宋光紀三月丙申遣沈揆等使金賀登位癸卯金遣使來報哀戊午金使

來致遺留物

○三月遣徒單鑑等使宋告卽位

宋光紀四月戊寅金使來

古印位

○四月辛未宋遣諸葛廷瑞趙不慢來弔祭○五

月壬寅宋遣羅點譙熙載來報嗣位

案羅點有不易金帶稱寶位等事

○戊午遣東北路招討使溫迪罕肅使宋賀卽位

案肅表作

速可

○閏月庚辰宋遣沈揆韓侂胄來賀登位

案蘭亭續攷載沈揆

買帖

○六月乙卯勅有司移報宋天壽節

老學庵筆記

邊帥移文境上曰皇帝生日日本是七月今爲南朝使臣

冒暑不便已權作九月一日

○宋光紀七月戊辰遣謝深甫賀金主生辰

○七月辛巳遣刑部尙書完顏守貞等爲賀

宋光紀八月癸丑金遣溫迪罕肅來賀卽位

○八月丙辰宋遣禮部尙書謝深甫口州觀察使趙昂

賀天壽節

章紀以世宗喪不受朝○宋光紀九月癸亥金使來賀生辰甲戌遣郭德麟使金賀正旦

○十一月辛酉遣右宣徽使裴滿餘慶等爲賀宋正旦

使宋光紀十二月壬子
金使來賀明年正旦

卷六十二

宋交聘表下

章宗明昌元年庚戌
宋光宗紹熙元年 ○正月丙辰朔宋遣試

戶部尙書郭德麟宜州觀察使蔡錫賀正旦
章紀喪不受朝○宋

光紀六月丁亥遣邱宗使金賀生辰○
宋史楊萬里傳元年接伴金賀正使 ○七月己巳遣

禮部尙書王脩等爲賀宋生日使○八月己酉宋遣顯

謨閣學士邱密福州觀察使蔡必勝賀天壽節
宋光紀九月丁

巳金使來賀重明節庚
午遣蘇山使金賀正旦 ○十一月乙卯遣簽書樞密院

事把德固等爲賀宋正旦使宋光紀十二月丙午金使來賀明年正旦

二年辛亥紹熙二年 ○正月庚戌朔宋遣試吏部尙書蘇山潭

州觀察使劉詢賀正旦章紀喪不受朝 ○丙寅以左副都點檢

完顏尙等使宋告哀章紀辛酉皇太后崩○宋光紀二月壬午金遣使來告母喪 ○

三月丁丑宋遣試禮部尙書宋之瑞嚴州觀察使宋嗣

祖爲皇太后弔祭使太常少卿王叔簡讀祭文宋光紀二月丁

未遣宋之瑞如金弔祭六月庚辰遣趙應使金賀生辰 ○七月己巳遣同簽大陸

親府事完顏充等爲賀宋生辰使案宋倪思有重明節使伴語錄 ○八

月乙巳宋遣試戶部尙書趙應葵州觀察使田臬賀天

壽節章紀喪不受朝○宋光紀九月壬子金使來賀生辰癸亥遣黃申使金賀正旦 ○十一月

丁巳以幽王傅完顏宗璧等爲賀宋正旦使

宋光紀十
二月辛丑

金使來賀

明年正旦

三年

士子
紹熙三年

○正月乙巳朔宋遣煥章閣學士黃申明

州觀察使張宗益賀正旦

章紀喪不受朝○宋光紀六
月甲寅遣錢之望使金賀生

辰

○七月辛卯遣殿前都點檢僕散端等爲賀宋生辰

使○八月丁卯宋遣工部尙書錢之望廣州觀察使楊

大節賀天壽節

章紀喪不受朝○宋光紀九月乙亥金
使來賀生辰戊子遣鄭汝諧使金賀正

旦

○十一月戊寅遣左副都點檢溫敦忠等爲賀宋正

旦使

宋光紀十二月乙丑
金使來賀明年正旦

四年

癸丑
紹熙四年

○正月己巳朔宋遣顯謨閣學士鄭汝諧

均州觀察使譙令雍賀正旦

章紀喪不受朝○宋光紀六月癸亥遣許及之使金

賀生辰○齊東野語鄭汝諧有題肝胎第一山詩

○七月己丑以御史中丞董

師中等爲賀宋生辰使○九月甲子朔宋遣吏部尙書

許及之明州觀察使蔣介賀天壽節

宋光紀九月己巳金使來賀生辰壬

午遣倪思使

○十一月戊寅遣翰林學士完顏匡更名

彌等爲賀宋正旦使

宋光紀十二月己未金使來賀明年正旦

五年

甲寅

○正月癸亥朔宋遣翰林學士倪思知閣

門事王知新賀正旦

容齋三筆紹興庚申虜主亶誅宗室七十二王韓昉作詔略云周行

管叔之誅漢致燕王之辟茲惟無赦古不爲非不圖骨肉之間有懷蠶蠶之毒皇伯太師宋國王宗磐謂爲先帝之元子常蓄無君之禍心皇叔太傅亮國王宗僞虞王宗英滕王宗偉等逞躁欲以無厭助逆謀之妄作欲

申三宥公議豈容不頓一兵羣凶悉殄已各伏辜并除
屬籍訖紹熙癸丑今虜主誅其叔鄭王詔曰朕早以嫡
孫欽承先緒皇叔定武軍節度使鄭王允蹈屬處諸父
任當重藩潛引凶徒共爲反計自以元妃之長子異於
他母之諸王冀幸國災窺伺神器其姝澤國公主長樂
牽同產之愛駙馬都尉唐括蒲刺覩狃連姻之私預聞
其謀相濟以惡欲寬燕邸之戮姑致郭鄰之囚詢諸羣
言用示大戒允蹈及其妻卞玉與男按春阿辛并公主
皆賜自盡令有司依禮收葬仍爲輟朝二事甚相類蓋
其視宗族至親與途之人無異也是年冬倪正父奉使
館於中山正其誅戮處相去一月猶血腥觸人枯骸塞
井爲之終夕不安寢云○宋光紀六月口口遣梁總使
金賀○六月戊戌宋前主昚殂宋光紀庚子遣薛叔似
生辰○六月戊戌宋前主昚殂宋光紀庚子遣薛叔似
金遺○七月甲子宋主禪位於子擴宋甯紀戊辰遣鄭
留物○七月甲子宋主禪位於子擴宋甯紀戊辰遣鄭

○九月戊午朔宋遣試工部尙書梁總明州觀察使戴
勲賀天壽節○壬申宋遣顯謨閣學士薛叔似廣州觀

察使謝淵來告哀○戊寅以知大興府事尼厯古鑑等

爲宋弔祭使

宋甯紀閏十月戊辰金使來弔祭○攻媿集內制有金國弔祭使人赴闕口宣盱眙

軍賜御筵鎮江府銀合茶藥御筵平江府御筵赤岸酒果御筵被褥鈔羅大銀器生餼內中酒果朝見訖歸驛賜御筵特賜衣服金帶銀器內中酒果特賜射弓酒果御筵例物朝辭訖歸驛賜酒果御筵同弔祭國書又同程口宣賜龍鳳茶銀合并沿路使副冬

○十月庚寅宋

至節絹讀祭文官三節人從等御筵

遣戶部尙書林湜泉州觀察使游恭獻遺留物

宋甯紀十月壬

子遣使使金賀正且

○閏十月戊午朔宋遣翰林學士鄭湜廣州

觀察使范仲任來報卽位

宋甯紀乙丑遣使如金報謝

○甲戌以河

東南北路提刑使王啟殿前左副都點檢石抹仲溫爲

賀宋卽位國信使

攻媿集有金國賀登寶位使人赴闕口宣又同登寶位國書

○十

一月庚子以右宣徽使移刺敏山東東路轉運使高世

忠為賀宋正旦使宋甯紀十二月癸酉金使來賀即位

孫逢吉碑十二月充館伴金國賀正使又金國賀正且使人赴闕口宣賜使副春旛勝三節人從春旛勝

六年乙卯宋甯宗慶元元年 ○正月丁亥朔宋遣試禮部尙書

曾三復等賀正旦賀正旦國書 ○二月癸未宋遣煥

章閣學士林季友明州觀察使郭正已報謝攻媿集有報謝登寶

位國書 ○宋甯紀六月己未遣使賀金主生辰 ○八月辛未以吏部尙書吳鼎

樞等為賀宋生辰使案甯宗十月十九日 ○九月壬午

朔宋遣試吏部尙書汪義瑞福州觀察使韓侂冑賀天

壽節宋甯紀甲辰遣使賀金正旦十月戊辰金使來賀

生辰 ○案瑞表作端 ○又案史達祖梅溪詞有陪

節欲行留別社友水龍吟當為隨侏胄出使作 ○十一月丙申遣刑部尚書紇

石烈正等為賀宋正旦使宋甯紀十二月丁丑金使來賀明年正旦 ○案正表作貞

承安元年丙辰 慶元二年 ○正月辛巳朔宋遣翰林學士黃艾

均州觀察使柳正一賀正旦宋甯紀六月庚戌遣使賀金生辰 ○九月

丁丑朔宋遣試工部尚書吳宗旦湖州觀察使張卓賀

天壽節 ○癸未遣吏部尚書張嗣等為賀宋生辰使宋甯紀九月丁酉遣使賀金正旦

十月壬戌金使來賀生辰 ○十一月甲午遣陝西路

統軍使完顏崇道等為賀宋正旦使宋甯紀十二月辛未金使來賀明年

正旦

二年丁巳 慶元三年 ○正月乙亥朔宋遣煥章閣學士張貴謨

嚴州觀察使郭倪賀正旦

案花庵詞選云鄭中卿號松窗隨貴謨使金有燕谷剽聞

卷二 ○九月辛丑朔宋遣試工部尙書衛涇泉州觀察使

陳奕賀天慶節 ○丁未遣知歸德府完顏愈等爲賀宋

生辰使

宋甯紀九月辛酉遣使賀金正旦十月丙戌金使來賀生辰十一月丁未遣趙介等使金告祖

母 ○十一月以奧屯忠孝等爲賀宋正旦使

宋甯紀十月乙未

金使來賀明年正旦

三年 戊午

慶元四年

○正月己亥朔宋遣煥章閣學士曾炎鄂

州觀察使鄭挺賀正旦

章紀日食改辛丑賀又癸卯諭有司凡館接伴并奉使者毋以

語言相勝務存大體奉使者亦必得其人 ○政嬖集曾南仲碑合

○乙丑宋遣試禮部

尙書趙介利州觀察使朱龜年以祖母喪告哀 ○二月

辛巳以武衛軍都指揮使烏林荅天益等爲宋弔祭使

宋甯紀三月乙丑金使來弔祭四月遣使如金報謝六月己巳遣楊王休使金賀生辰 ○八月癸

未宋遣試刑部尙書湯石福州觀察使李汝翼來報謝

○九月丙申朔宋遣顯謨閣學士楊王休利州觀察使

李安禮賀天壽節 ○是日遣中都路都轉運使孫鐸等

爲賀宋生辰使 宋甯紀九月丁未遣使賀金正旦十月戊子金使來賀生辰 ○十一

月丁未遣太常卿楊庭筠等爲賀宋正旦使 宋甯紀十二月己丑

金使來賀明年正旦

四年 己未 ○正月癸巳朔宋遣工部尙書馬覺廣州

觀察使鄭蓋賀正旦 宋甯紀六月癸亥遣使賀金生辰 ○九月庚寅朔

宋遣試工部尙書李大性泉州觀察使金湯楫賀天壽

節

宋甯紀九月丙辰遣使賀金正旦

○己未遣知東平府事僕散琦等

爲賀宋生辰使

宋甯紀十月丙子金使來賀生辰

○十一月甲寅遣知

濟南府事范楫等爲賀宋正旦使

宋甯紀十二月甲申金使來賀明年正旦

五年

庚申慶元六年

○正月戊子朔宋遣煥章閣學士朱致知

福州觀察使李師摯賀正旦

宋甯紀六月壬辰遣使賀金生辰七月口口遣使如

金告哀

○八月辛卯宋前主惇殂

宋甯紀甲子復遣使如金告哀

○九月

甲寅朔宋遣戶部尙書趙善義鄂州觀察使厲仲祥賀

天壽節

宋甯紀丙子遣使致金遺留物十月戊子遣使賀金正旦

○十月庚子宋遣

試刑部尙書吳旰利州觀察使林可大來告母喪○十

一月己巳宋遣煥章閣學士李寅仲福州觀察使張良

顯來告前主喪○乙卯遣工部尙書烏古論誼等爲宋

弔祭使

宋甯紀十二月己亥金使來弔祭癸卯遣使報謝

○辛未遣殿前右副

都檢點紇石烈忠定等爲賀宋正旦使○十二月癸未

遣河南路統軍使完顏充等爲宋弔祭使

宋甯紀十二月戊中金使

來賀明年正旦

泰和元年

辛酉宋改嘉泰元年

○正月壬子朔宋遣寶謨閣學

士林桷利州觀察使王康成賀正旦

宋甯紀正月丙子金使完顏充來弔

祭

○壬戌宋遣試工部尙書丁常任嚴州觀察使郭倓

進遺留物

宋甯紀二年壬辰遣使報謝

○三月乙亥宋遣試刑部尙

書虞儔泉州觀察使張仲舒來報謝宋甯紀六月辛巳使金賀生辰○

八月丙申宋遣試戶部尙書俞烈福州觀察使李言報

謝○九月戊申朔宋遣試吏部尙書陳宗召廣州觀察

使竇夔賀天壽節宋甯紀九月辛未使金賀正旦○是日遣右宣徽使

徒單懷忠等爲賀宋生日使宋甯紀十月甲辰金使來賀生辰○十一

月庚申遣殿前右衛將軍紇石烈眞等爲賀宋正旦使

宋甯紀十二月癸卯金使來賀明年正旦○案宋史作眞表作七斤

二年壬戌嘉泰二年○正月丁未朔宋遣煥章閣學士李景和

福州觀察使陳有功賀正旦宋甯紀六月丙子使金賀生辰○九月壬

寅朔宋遣試工部尙書趙不艱鄂州觀察使黃卓然賀

天壽節○甲寅以拱衛直都指揮使完顏瑋侍講學士

張行簡爲賀宋生日使

章紀戒之曰兩國和好久矣汝不宜爭細故傷大體○宋甯紀

十月戊子金使來賀生

辰乙未使金賀正旦○十二月癸酉遣安武軍節度

使徒單公弼等爲賀宋正旦使

宋甯紀閏十二月丁未金使來賀明年正旦

三年

癸亥嘉泰三年

○正月辛未朔宋遣試吏部尙書魯誼利

州觀察使王處久賀正旦

劉頴傳有魯誼對雙跪事○宋甯紀六月壬寅使金賀生

辰

○九月丙寅朔宋遣試禮部尙書劉甲泉州觀察使

郭倬賀天壽節○壬申以刑部尙書完顏奕近侍局奉

御完顏阿魯帶爲賀宋生日使

宋甯紀九月己丑遣使賀金正旦十月壬子金

使來賀生辰○案宋史作奕表作承驛

○十一月辛未以簽樞密院事獨

吉思忠等為賀宋正旦使朱甯紀十二月口口金使來賀明年正旦又是年金國多

難懼朝廷乘其隙沿邊聚糧增戍且禁襄陽權場邊界之開自此始

四年甲子嘉泰四年 ○正月乙丑朔宋遣試吏部尚書張孝曾

容州觀察使林伯成賀正旦表云丁丑張孝曾同至慶都縣卒贈絹布各二百

二十匹差防禦使女奚烈元充勅祭使館伴使張雲護送以還○宋甯紀六月癸巳使金賀生辰 ○八

月乙卯以知真定府事完顏昌等為賀宋生辰使 ○九

月庚申朔宋遣試禮部尚書張嗣古廣州觀察使陳煥

賀天壽節朱甯紀九月壬午使金賀正旦十月壬寅金使賀生辰 ○十一月丁卯

遣殿前右副都點檢烏林荅毅等為賀宋正旦使表云

寶雞郡縣被宋抄掠○宋甯紀十二月乙卯金使來賀明年正旦

五年

乙丑

宋改開禧元年

○正月己未朔宋遣試吏部尙書鄧

友龍利州觀察使皇甫斌賀正旦

表云庚申宋兵入遂平縣二月己酉宋兵

掠泌陽三月戊午朔宋兵焚平氏鎮庚午宋兵掠鄧州白亭辛巳宋兵入鞏州來遠鎮丁亥唐州獲宋謀○

四月癸巳命樞密院移文宋人依誓約撤新兵毋縱入

境

宋甯紀五月金人以邊民侵掠及增邊戍來責渝盟

○五月甲子平章政事僕

散揆宣撫河南籍諸道兵備宋宣撫司移文宋三省樞

密問用兵之故宋以鑄諭邊臣爲辭乃罷宣撫司僕散

揆還京師

章紀甲申宋楚州安撫戚拱破漣水縣○宋甯紀六月乙亥使金賀生辰

○九月

甲申朔宋遣試吏部尙書李壁廣州觀察使林仲虎賀

天壽節

案壁題王安石白溝行云頃因使燕過所謂白溝者河甚淺狹可涉地屬涿州卽此○宋甯紀

九月丁未使金賀正旦

○戊子遣河南路統軍使紇石烈子仁等

爲賀宋生辰使

章紀戊戌宋兵焚比陽甲辰焚黃澗十月丁丑襲比陽十一月乙酉入內鄉○

宋甯紀十月庚午金使賀生辰

○十一月己丑遣太常卿趙之傑□□

□□完顏良弼爲賀宋正旦使

宋甯紀十二月戊寅入

還內詔使人更於正旦朝見○章紀十月宋吳曦窺關隴皇甫斌擾淮北

六年丙寅

○正月癸未朔宋遣試刑部尙書陳克俊

知閤門事吳琯賀正旦

章紀丁亥朝辭遣御史大夫孟鑄就館諭克俊等曰大定初世

宗皇帝許宋世爲姪國朕遵守遣法和好至今豈意爾國屢有盜賊犯我邊境以此遣大臣宣撫河南軍民及得爾國有司公移稱已罷黜邊臣抽去兵卒朕方以天下爲度不介小嫌遂罷宣撫司未幾盜賊甚於前日比來羣臣屢以爾國渝盟爲言朕惟和好歲久委曲涵容恐姪宋皇帝或未詳知若依前不息臣下或復有云朕

雖兼愛生靈事亦豈能終已卿等歸國當以朕意具言之汝主丙辰吳曦圍抹熟龍堡庚戌宋人入撒牢谷三月巳酉攻靈壁四月丙辰圍壽春甲子攻天水界乙丑入東柯谷

○四月丙寅詔平章

政事僕散揆行省於汴督諸道兵伐宋○十月庚戌僕

散揆出潁壽

章紀統軍使紇石烈子仁出潁口元帥匡出唐鄧紇石烈執中出清口監軍充出陳

倉蒲察貞出成紀完顏綱山臨潭石抹仲溫出鹽川完顏璘出來遠

○十一月丁亥克安

豐軍壬辰次廬江宋邱密遣劉祐乞和

完顏匡傳祐巾和議於揆揆曰

稱臣割地獻首禍之臣然後可

○庚子宋復遣忠訓郎林拱持書乞和

於僕散揆

僕散端傳作皇甫拱

○癸卯宋復遣武翼郎宋顯等以

書幣乞和於揆○十二月癸丑宋吳曦納款於完顏綱

賜詔褒諭○已未宋邱密復遣陳璧奉書乞和揆以其

辭尙倨不見○乙丑揆班師封吳曦爲蜀王曦遣郭澄

任辛奉表及蜀地圖志吳氏譜牒來上

七年

丁卯開禧三年

○

章紀正月庚寅僕散揆還至下蔡有疾

殺吳曦

○二月丁巳宋張巖遣方信孺以書詣行省乞和

崇浩傳以辭旨未順卻之仍諭以稱臣割地縛送原謀姦臣等事

○五月丙申宋復遣

方信孺以書詣都元帥府請增歲幣

宋甯紀六月癸卯以林拱辰爲金國

通問使又遣富瑄使金告哀又遣劉彌正賀金主生辰

○八月戊申宋復遣方信

孺以其主誓書藁來乞和

崇浩傳張巖復遣方信孺藁其主趙擴誓藁來且言併發

三使將賀天壽節及通謝仍報其祖母謝氏殂致書崇浩云方信孺還遠貽報翰私竊自喜旋奉上旨亟遣信使通謝宸庭仍令信孺再請定議兵端之開雖本朝失於輕信悔艾之誠不爲不早惟是名分之諭今昔事殊

況關係至重豈臣子所敢言江外之地特爲屏蔽倘如
來諭何以爲國所有歲幣前書已增大定所減之數物
之多寡諒不深計其歸投之人往往竄匿不知存亡尚
容拘刷欲望力賜開陳捐棄前過歡好如初海內甯謐
重惟大金皇帝誕節將臨禮當修賀兼之本國多故合
遣使人接續津發已具公移企望取接誓書副本就以
錄呈浩復張巖書云信孺昔來惟言還潤州驅掠而已
至於責貢幣欲以舊數爲增追報亡欲以橫州爲例而
稱臣制地縛送姦臣三事並設虛言弗肯如約乃者彼
國犯盟侵我疆場帥府出師皆不勞而復據今申報犯
邊十餘次斬獲以億計遂乃移書僥倖苟和豈理也哉
其言名分之論大定固殊而皇統謝章亦可槩見若云
非臣子所敢言在皇統時何以獨敢又謂江外之地將
爲屏蔽制之則難爲國昔後周南唐皆畫江爲界割地
亦奚不可又言通謝禮幣之外別備錢一百萬貫折金
銀三萬兩以塞再增幣之責又言歲幣添五萬兩匹其
言無可准信況彼國自言叔父姪子與君臣不遠如能
依舊稱臣卽許江淮之間取中爲界如欲世爲子國卽
當盡割淮南直以大江爲界陝西邊面並以已占爲定
原謀姦臣必使縛送可令函首以獻外歲幣雖添五萬

兩匹止是皇統舊額可令再添五萬兩匹以表悔謝之
實方信孺不足信如李大性朱致和李壁吳瑄輩似乎
忠實可遣詣軍前稟議○章紀九月甲戌朔崇浩薨於軍以完顏匡行省於汴○十一月丙子

宋韓侂胄遣王柁以書詣元帥府完顏匡傳九月代崇浩行省於汴初崇浩

移書宋人果欲請和當遣朱致和等來侂胄大喜乃遣
左司郎中王柁來至濠州匡使人責以稱臣等數事柁
以宋主侂胄情實為請依靖康故事世為伯姪國增歲
幣為三十萬兩匹犒軍前三百萬貫蘇師旦等俟和議
定當函首以獻柁至汴以書上元帥府匡復詰之察其
不妄乃具奏章宗詔匡移書當函侂胄首贖淮南地改
犒軍錢為銀三百萬兩於是宋人定計殺侂胄和好自此成矣○壬辰宋錢象祖李壁

以誅侂胄移書行省議和章紀詔匡檄宋函侂胄首以贖淮南故地○宋甯紀十二

月癸卯以許奕為通問使

八年戊辰宋改嘉定元年○二月乙巳宋錢象祖遣王柁以書

上行省復請川陝關隘

完顏匡傳書云惟東南立國吳蜀相依今川陝關隘大國若有

之則是撤蜀之門戶不能保蜀何以固吳已增歲幣至三十萬通謝爲三百萬貫又蒙聖畫改輸銀三百萬兩今大國又欲斬送侂冑是未知其已死也侂冑實本庸愚怙權誤國而致侂冑誤國者蘇師旦也近師旦已行斬首倘大國終惠川陝關隘所畫銀兩悉力祇備師旦首函亦當傳送以謝大國又王柟狀稟如蒙歸川陝關隘韓侂冑首必當函送遵上國之命匡具奏得報乃遣柟還復書曰昨奉聖訓如能斬送侂冑徐議還淮南地來書言侂冑已死將以師旦首易之飾詞相給如此至於犒軍銀兩欲俟歸關隘然後祇備是皆有拂聖訓及王柟狀稟如歸川陝關隘侂冑首必當函送聖訓令斬送侂冑首者本欲易淮南地陝西關隘不與焉王柟所陳亦非原畫具奏奉旨朕已貫宋罪既

○四月甲寅宋

復遣王柟以書上行省

完顏匡傳書曰大金皇帝前日聖旨如能斬送侂冑首沿淮之

地並依已畫爲定今來聖旨既能送首陝西關隘可併還賜欲望上體聖旨先賜行下邊屬候侂冑首到界上

卽便抽軍歸還淮南陝西地界其使人禮幣已起發至
真揚開伺報以俟取接匡得書具奏詔曰侂冑師旦首
函及諸叛止至濠州卽聽通謝使人入界軍馬卽當撤
回川陝關隘候歲幣犒軍銀兩至下蔡晝日割賜匡卽
論宋人使如 ○閏月乙未宋函韓侂冑蘇師旦首贖淮
詔書從事

陝侵地元帥府露布以聞宋請叔姪爲伯姪國增歲幣

至三十萬兩匹

章紀五月癸亥詔移天壽節於十月十五日

○六月癸酉宋

遣試禮部尙書許奕福州觀察使吳衡奉誓書通謝

章紀

七月戊申宋使朝辭致荅通謝書及誓書

○丁酉以左

副都點檢完顏侃禮部侍郎喬宇爲宋諭成使

宋甯紀九月辛

丑金使入見

○八月己丑以戶部尙書高汝礪等爲賀宋生

日使

宋甯紀九月甲子遣曾從龍使金賀正旦

○十月辛巳宋遣戶部尙書

鄒應龍泉州觀察使李謙賀天壽節案鄒伸之奉使記見大金國志○宋

甯記十月癸未○十二月遣裴滿正如宋告哀○遣蒲金使來賀生辰

察知剛賜宋遺留物○遣使如宋告卽位宋甯紀十二月戊寅改會

從龍爲金帛祭使已丑遣字文紹彭使金賀卽位

衛紹王大安元年己巳嘉定二年○正月宋使曾從龍來弔祭

宋甯紀正月辛丑金使裴滿正來告哀庚申金使蒲察知剛來致遺留物二月己巳金使來告卽位○二

月宋使字文紹彭來賀卽位宋甯紀六月己巳使賀金生辰○八月宋

使俞應符賀萬秋節○遣使賀宋生辰宋甯紀九月己未遣使賀金正

旦十月丁丑金○十一月遣使賀宋正旦宋甯紀十二月丙戌金使

使來賀瑞慶節
來賀明年正旦

二年

庚午嘉定三年

○正月庚戌朔宋遣費培賀正旦

宋甯紀六月癸

亥遣使賀金生辰

○八月宋使黃中賀萬秋節○遣使賀宋生

辰

宋甯紀九月癸丑遣使賀金正旦十月壬申金使來賀生辰

○十一月遣使賀宋

正旦

宋甯紀十二月辛巳金使來賀明年正旦

三年

辛未嘉定四年

○正月乙酉朔宋使錢仲彪賀正旦

宋甯紀六

月丁亥遣俞嶸賀金主生辰會金國有難不至而返○書錄解題使燕錄一卷尙書戶部侍郎龍游俞嶸景瞻

撰嘉定辛未使金賀生辰會有難寇行至涿州定興縣而同○宋甯紀九月丁丑遣使賀金正旦○十

一月遣使賀宋正旦

宋甯紀十二月乙巳金使來賀明年正旦是歲金國有難賀生辰使

不至

崇慶元年

壬申嘉定五年

○正月己酉朔宋使程卓趙師岳賀

正旦

程卓使金錄嘉定四年九月二十八日有旨以朝

尚書

清化郡開國侯食邑一千戶食實封一百戶賜紫

金魚袋

充賀金國正旦國信使忠州防禦使知大宗正

事趙師

岳假昭信軍承宣使左武衛上將軍天水縣開

國伯食邑七百戶充賀金國正旦國信副使十一月二

十四日

至盱眙軍二十八日丙子遣掌儀高宗愈等過

淮傳銜

繼同北書表張震亨先排書表完顏速傳接伴

使副名銜

使大中大大夫尚書戶部郎中李希道副廣威

將軍東上

閣門副使蒲察信二十九日丁丑入泗州驛

二更登車

夜行六十里三十日戊寅早頓臨淮縣驛即

行入十里

至青陽鎮已二更十二月一日己卯早頓虹

縣沿汴河

行八十里至靈璧縣宿夜行六十里二日庚

辰早頓靜安鎮驛六十里至宿州永豐驛在州治側左

有司候司右有司獄司夜行四十五里三日辛巳早頓

蘄澤鎮四十五里至柳子鎮宿遇北使數車南上乃賀

本朝正旦使也夜行六十里四日壬午早頓永城縣七

十里至會亭鎮宿夜行四十五里五日癸未早頓穀熟

縣四十五里至南京今改為歸德府入陽熙門至睢陽

驛夜行六十里六日甲申早頓甯陵縣入永寧驛今長

寧六十里至拱州今睢州夜行六十里七日乙酉早頓
雍邱縣今杞縣六十里至陳留縣宿過空桑驛甚壯云
是張邦昌所居夜行四十五里八日丙戌黎明至東京
門外入安利門過儲祥宮入賓曜門過大相國寺宿會
通館九日丁亥在館十日戊子賜酒果及宴內使閤門
祇候唐括元佐押宴沁南軍節度使劉思誼夜行四十
五里十一日己丑郭橋鎮早頓四十五里至陽武縣宿
夜行三十五里十二日延津縣三十里至黃河先過一
小河亦有小橋至黃河浮橋名天漢橋用九十六巨舟
一舟十碇每六舟一鋪有人居守設幕次於其側從例
下車祭河李希道傳示不必委都轄投文祭於橋中四
十里至衛州淇澤驛三更行四十五里十三日衛縣七
十里至湯陰縣夜行四十里十四日邙縣相州安陽驛六
十里至磁州夜行六十里十五里十四日邙縣相州安陽驛六
臨洺鎮宿夜行三十五里至沙河縣換驢夫又行二十
五里十六日邢州邢臺縣四十五里至內邱縣夜行六
十里十七日頓柏鄉縣彭川驛二十里過趙州石橋宿
趙州夜行四十五里十八日樂城縣三十五里至漣洺
河又五里宿眞定府十九日在館二十日賜宴內使閤
門祇候紇石烈德剛押宴安德軍節度郭澥二十一日

新樂縣四十五里至中山府夜行五十五里二十二日
慶都縣七十里至保州入雞川門宿金臺驛夜行四十
五里二十三日安肅軍梁臺驛二十里白溝河十里大
白溝河二十里宿定興縣夜行五里二十四日涿州留
夜行六十里癸卯立春傳宣撫問內使中衛大夫孫公弼
二少監完顏良弼賜果內使閤祇烏論古正臣賜宴內
府元林荅守道同入會同館撫問內使高希愈二十九日
日賜酒果內使閤祇姚里鐸習儀移刺居寬二十九日
進國書歸館赴宴押伴左宣徽使張衍三十日賜酒果
閤祇紇石烈德暉賜宴蒲察溫押宴太府監張繹五年
正月一日己酉朝賀二日在館三日赴宴四日射弓宴
五日朝辭受書出十一日眞定府賜酒果內使閤祇孫
安民押宴橫海軍節度溫迪罕二十
○宋甯紀六月口口遣使賀金生辰
○八月宋使傅誠
賀萬秋節衛紀以兵不設宴
○遣使賀宋生辰
宋甯紀九月辛未遣使賀金正
旦十月戊子金
○十一月遣使賀宋正旦
宋甯紀十二月
使來賀生辰

使來賀明
年正旦

至甯元年

癸酉嘉定六年

○正月癸卯朔宋使應武賀正旦

宋甯

紀六月丁丑遣董居義賀金主生辰會金國亂不至而還

宣宗貞祐元年

癸酉嘉定六年

○閏九月辛未以武衛軍都指

揮使烏林荅與尙書戶部侍郎高霖爲報諭宋國使

宋甯

紀十月戊申遣眞德秀賀金主卽會金國亂不至而返庚戌遣李直使金賀正旦不至而還甲子金使來告

卽位○十一月遣使賀宋正旦○宋遣李直爲賀正旦使

入境有期以大兵在近姑停之令有司移報

宋甯紀十月癸亥

金使來賀明年正旦

二年

甲戌嘉定七年

○正月丁丑宋遣刑部尙書眞德秀等賀

卽位駐境上以中都被圍諭罷之宋甯紀正月戊子金人來止賀生日使

○二月遣使如宋督二年歲幣宋甯紀三月庚辰金國來督二年歲幣 ○

六月遣使如宋報遷都宋甯紀七月乙亥金人來告遷于南京庚辰真德秀奏罷金國

歲幣 ○七月復遣使如宋督歲幣宋甯紀八月癸卯金國復來督歲幣十一月辛

酉朔遣使賀金正旦 ○十一月遣使賀宋正旦宋甯紀十二月丁巳金遣使來賀明

年正旦

三年乙亥 ○正月辛酉朔宋遣顯謨閣學士聶子述

廣州觀察使周師銳賀正旦宣紀癸亥賜曲宴○宋甯紀正月己卯遣使賀金生

辰 ○三月壬申宋遣寶謨閣學士丁煇利州觀察使侯

忠信賀長春節表云丙子宋使朝辭因言宋主請減歲幣如大定例上以本自稱賀不宜別有

所請諭遣之

○九月己巳以左諫議大夫把胡魯工部侍郎

徒單歐里白爲賀宋生日使

宋甯紀十月壬寅金使來賀生辰十一月癸亥遣使

賀金

正旦○十一月庚辰以拱衛直都指揮使蒲察五斤尙

書禮部侍郎楊雲翼爲賀宋正旦使

宋甯紀十二月辛亥金使來賀明年

旦正

四年

丙子嘉定九年

○正月乙卯朔宋遣試工部尙書施累廣

州觀察使陳萬春賀正旦

宣紀三年十二月壬辰詔免元日朝賀甲寅禮官奏宋使

來賀不宜輟朝不舉樂服色如常儀

○宋甯紀正月乙亥遣使賀金生辰○三月丙寅宋遣

華文館學士留筠宜州觀察使師亮賀長春節○九月

乙未以中衛尉完顏奴婢太子少詹事納坦謀嘉爲賀

宋生日使

宋甯紀十月丙寅金使來賀生辰十一月庚寅遣使賀金正旦

○十一月甲

辰以尙書工部侍郎內族和尙尙書右司郎中僕散毅

夫爲賀宋正旦使

宋甯紀十二月乙亥金使來賀明年正旦

興定元年

丁丑嘉定十年

○正月己卯朔宋遣煥章閣學士陳

伯震福州觀察使霍儀賀正旦

宋甯紀正月庚子使金賀生辰

○三月

庚寅宋遣試工部尙書錢撫潭州觀察使馮炳賀長春

節○四月丁未朔以宋歲幣不至命烏古論慶壽等經

略南邊

宣紀十月壬戌右司諫許古疏請先遣使與宋議和戊辰上命古草議和牒宰臣以其徒示威

弱議寢

二年

戊寅嘉定十一年

○宣紀正月癸未謫可報唐州之捷戊子賽不報破宋之捷二月丙午桓端

上光州信陽之捷壬子賽不報
秦陽之捷癸丑阿鄰報
阜郊堡之捷丙寅牙吾塔上
肝貽俘獲之數五月丙戌
陝西行省言四月中鞏州
帥府分道伐宋皆克捷還
○十二月甲寅朝議乘勝與
宋議和以開封府治中呂子羽
南京路轉運副使馮璧
爲詳問宋國使行至淮水中
流宋人拒止之自此和好
遂絕

三年

己卯

嘉定十二年

四年

庚辰

嘉定十三年

五年

辛巳

嘉定十四年

元光元年

壬午

嘉定十五年

二年

癸未

嘉定十六年

哀宗正大元年

甲申 嘉定十七年

○二月以邊帥意遣忠孝軍

三百送省令史李唐英往滁州通好宋人宴犒旬日以

奏稟爲辭和事竟不成○六月遣樞密判官移刺蒲阿

以文榜徧諭宋界軍民更不南伐自是宋人亦歛兵

二年

乙酉 朱理宗寶慶元年

三年

丙戌 寶慶二年

四年

丁亥 寶慶三年

五年

戊子 宋改紹定元年

六年

己丑 紹定二年

七年

庚寅 紹定三年

○宋揚州制置趙善湘遣黃謨詣京東帥

府約和朝廷以甯陵令王澤往議凡再往約竟不成

八年

辛未

紹定四年

天興元年

壬辰

紹定五年

二年

癸巳

紹定六年

○九月癸未假蔡州都軍致仕內族阿虎

帶同簽大陸親府事如宋借糧宋人不許

三年

甲午

宋改端平元年

○正月己酉國亡

卷六十

西夏交聘表上

太祖收國元年

乙未

乾順雍甯二年

案乾順在位已有天儀

治平四年天祐安民八年永安三年貞觀十三年雍甯

一年至次年方入紀

天輔三年

己亥夏改元德元年

太宗天會二年

甲辰元德六年

稱藩

此下當加以下寨以

北陰山以南乙室耶刮部吐祿濼西之地與之

三月

此下當加辛未

閏三月

此下當加戊寅朔

遣王阿海

案本傳有爭儀物事

十月

此下當加甲辰朔

謝賜誓詔

此下當加并論宋所侵地

三年

乙巳元德七年

致奠於和陵

此下當加并賀卽位

五年

丁未
改正德元年

賀正旦

此後當加三月割地賜夏

國 宋史本傳先是金人滅遼粘罕遣撒母使夏國許割天德雲內金肅河清四軍及武州等八館之地約攻麟州以牽河東之勢靖康元年三月夏人遂由金肅河清渡河取天德雲內武州河東八館之地繼而金貴人兀室以數百騎陽爲出獵掩至天德逼逐夏人悉奪而有其地夏人請和金人執其使歲丁未九月金帥兀朮回雲中遣保靜軍節度使楊天吉約侵宋乾順許之十月通問使傅雱見金左監軍希尹於雲中希尹以國書授雱爲夏國請熙甯以來侵地蓋彼旣奪其地乃責償

於宋以報之

七年

己酉
正德三年

正月庚寅朔

寅當作辰

熙宗天會十三年

乙卯
改大德元年

正月

此下當加夏使

武功郎沒紉好德宣德郎季膺賀正旦

遣使如夏報哀

此上當加甲戌

此下當加及報卽位

案紀三月齊高麗有弔祭使四月有賀使而此皆無
文且三月有詔諸國使賜宴不舉樂十二月又定三國
使朝賀賜宴朝辭儀紀或可略而表不合失載大抵脫
刊耳

天眷三年

庚申
仁孝大慶元年

賀萬壽節

此後當加五月

己卯詔冊李仁孝爲夏國王

九月 此下當加庚申

復謝封冊 此上當加戊辰

皇統元年

辛酉大慶二年

賀萬壽節

此後當加己未請置

權場許之 又當加十二月癸巳賀受尊號

四年

甲子改人慶元年

正月癸卯朔 卯當作丑

五年

乙丑人慶二年

爲橫賜夏國使 案橫賜二字始見史

記孝文紀酺五日注

六年

丙寅人慶三年

賀萬壽節

此後當加庚寅以邊地賜

之

案此卽麟府等州

八年

戊辰
人慶五年

賀萬壽節

此後當加二月壬子以哥

魯葛波古等爲橫賜夏國使

九年

己巳
改天盛元年

海陵天德二年

庚午
天盛二年

以名諱告諭夏

事見完顏

撒改傳

三年

辛未
天盛三年

賀正旦

此後當加戊子夏使賀生辰

以經武將軍修起居注蕭彭哥爲夏生日使

此上當加

庚戌

案官志有信武顯武宣武無經武未詳

又此

爲賜夏生日之始此後生日使紀有表無則補紀無亦

略

貞元元年

癸酉天盛五年

正月辛卯

此下當加朔

受夏貢獻

此後當加丙午夏使賀生辰

正隆二年

丁丑天盛九年

四月宿直將軍溫敦幹喝

月下

當加戊戌以

幹當作幹

六年

辛巳天盛十三年

賀生辰

此後當加八月遣蕭誼爲

夏國生日使

卷六十一

西夏交聘表中

世宗大定二年

壬午天盛十四年

四月

此下當加乙亥

賀萬春節

世宗紀辛巳宴夏使貞元殿三節賜食不精

杖掌食官 此後當加癸未夏使朝辭乞互市從之

夏武功大夫至賀正旦 十九字當改入三年格內 又

夏上當加正月壬辰

三年癸未天盛十五年 三月壬辰朔 當作二月庚寅

五月 五當作六

僕散習尼 尼下當加列

四年甲申天盛十六年 九月 此下當加己亥

五年乙酉天盛十七年 三月庚戌夏使賀萬春節 戌下當

加朔 此後當加八月癸巳夏使賀尊號

九月 此下當加庚戌

六年

丙戌天盛十八年

爲橫賜使 賜下當加夏國

九年

己丑天盛二十一年

五月丙辰 此下當加朔

九月以宿直將軍僕散忠 月下當加甲寅朔 忠上當

加守

十年

庚寅改乾祐元年

丁丑詔以夏奏告使於閏五月十六

就行在 此上當加五月 案閏五月十六卽下文乙

未日在丁丑後十九日此先與刻日者蓋預知賜醫卻

禮後夏國必有中變故也行在卽柳河川爲咸平路韓

州柳河縣奏急故須就行在

庚寅 此上當加九月

十一年

辛卯 乾祐二年

三月乙亥

此下當加朔

丁卯以近侍局使劉琬爲夏國生日使 丁卯當改作八

月己巳

案紀在八月與遣使宋同日此作丁卯又承

三月下誤

十三年

癸巳 乾祐四年

三月癸巳朔夏武功大夫芭里安仁

宣德郎焦蹈等賀萬春節

案此使銜名與十四年全

同以下條例之當亦誤也

九月乙未以宿直將軍宗室崇肅爲夏生日使 乙未當

作辛卯朔

宗室崇肅當作胡什賚

案此文乃涉十

四年而誤據紀文改正

十四年

甲午 乾祐五年

乙未

此下當加以

十五年

乙未 乾祐六年

賀正旦

此後當加三月壬午朔夏

使賀萬春節

斜也和尚

也當作卯

十六年

丙申 乾祐七年

癸酉

酉當作丑

十七年

丁酉 乾祐八年

九月丁酉朔

當作九月癸卯

十月

此下當加己巳

十一月

此下當加庚戌

十九年

己亥 乾祐十年

以太子左衛率府裴滿胡刺 府下

當加率

二十年

庚子 乾祐十一年

正月庚申朔

當作甲寅朔

少府監

少上當加以

監上當加少

二十一年

辛丑 乾祐十二年

賀正旦

此後當加壬子夏國

請復綏德權場詔許就館市易

二十二年

壬寅 乾祐十三年

三月辛未朔

此前當加正月

壬申朔夏國使賀正旦

九月乙酉

紀作戊寅

二十四年

甲辰 乾祐十五年

二月甲戌

甲當作丙

十月丙辰朔

紀作十一月甲午

二十七年

丁未 乾祐十八年

寬德昭

寬元作寬是

十二月 此下當加甲午

二十九年

己酉 乾祐二十年

夏使遣還 此後當加甲辰遣

使報哀於夏

三月 此下當加癸丑

四月 此下當加己巳

五月 此下當加壬寅

押進使 此後當加六月乙卯勅有司移報夏天壽節九

月一日

賀天壽節 此後當加九月戊辰以隆慶宮衛尉把思忠

爲夏國生日使

卷六十二

西夏交聘表下

章宗明昌元年

庚戌 乾祐二十一年

賀正旦

此後當加五

月丙辰以騰坊使移刺甯爲橫賜夏國使

謝橫賜

此後當加九月己未以武衛軍副都指揮使烏

林荅謀甲爲夏國生日使

二年

辛亥 乾祐二十二年

宣德郎

元脫郎字

許使貿易三日

紀作一日

此後當加丙寅遣使報哀

於夏

八月丁丑朔

當作乙巳

案此據使臣到闕日也前後

皆然作丁丑朔似太早紀在乙巳宋高麗同故改

賀天壽節 此後當加丁巳以西上閣門使白琥爲夏國

生日使

三年

壬子
乾祐二十三年

賀天壽節 此後已加九月甲戌

以郊社署令唐括合達爲夏國生日使

四年

癸丑
乾祐二十四年

賀正旦 此後當加五月丙寅朔

以尙廐局使石抹貞爲橫賜夏國使

謝橫賜 此後當加九月戊辰以西上閣門使大譽爲夏

國生日使

十一月壬申 當作庚寅

奉遣進禮物 遺下當加表 此後當加甲辰以西上閣

門使大礪爲夏國勅祭慰問使

五年

甲寅
純佑天慶元年

充夏國王李純佑封冊起復使

案李仲略傳授左司都事爲立夏國王讀冊官卽此

賀天壽節 此後當加閏十月丙戌以引進使完顏衷爲

夏國生日使

六年

乙卯
天慶二年

賀天壽節 此後當加九月辛卯以尙

書左司郎中粘割胡土爲夏國生日使

承安元年

丙辰
天慶三年

賀正旦 此後當加五月壬辰以

尙藥局副使粘割忠爲橫賜夏國使 章紀七月乙酉

勅今後夏使入見敷奏令新設通事具公服與閣門使
上殿監聽

賀天壽節 此後當加九月乙巳以國子監丞烏古論達
吉不爲夏國生日使

二年 丁巳 天慶四年 奏告權場 此後當加九月乙巳詔許

之 又當加十月丙申以禮部員外郎蒙括仁本爲夏
國生日使

三年 戊午 天慶五年 賀正旦 此後當加五月戊申以客省

使移刺郁爲夏國生日使 案純祐生日使上文多在
十月而此與四年皆作五月至五年後仍書十月未詳

四年

己未天慶六年

賀正旦

此後當加五月壬寅以兵部

郎中完顏撒里合爲夏國生日使 又當加庚申以宿

直將軍徙單仲華爲橫賜夏國使

五年

庚申天慶七年

正月戊子夏武節大夫連都敦信宣德

郎丁師周賀正旦 予下當加朔 案此使與下賀天

壽節同

謝恩 此後當加再賜醫藥 又當加十月丁未以宿直

將軍完顏觀音奴爲夏國生日使

泰和元年

辛酉天慶八年

八月戊寅朔 當作九月戊申朔

案此與上明昌二年八月丁丑朔下泰和七年八月

甲辰朔同第二年有紀文乙巳可改七年有高麗表壬申可改此則宋表作丙申然與報謝使同至故丙申不足據高麗表八月又不紀日或疑夏國閏差然攷辛亥辛酉丁卯三年皆非閏年說又不合直據紀文正節改正

賀天壽節 此後當加十月甲辰以刑部員外郎完顏綱爲夏國生日使 案本傳有命齋三詔事

二年

壬戌天慶九年

謝橫賜

案紀無橫賜事當是謝再賜

醫藥耳

此後當加十月壬辰以宿直將軍紇石烈毅

爲夏國生日使瀛王府司馬獨吉溫爲橫賜夏國使

三年

癸亥
天慶十年

賀天壽節

此後當加十月壬戌以薊

州刺史完顏太平爲夏國生日使

四年

甲子
天慶十一年

八月己丑 己當作癸

賀天壽節

此後當加十月甲寅以提點尙衣局完顏燮

爲夏國生日使

五年

乙丑
天慶十二年

謝橫賜

案上文無橫賜使必係脫

刊又下文十月無生日使亦係脫刊然攷紀亦無文

六年

丙寅
天慶十三年

乙丑 此上當加六月

六月戊戌

六當作七

辛丑

此上當加九月

七年

丁卯 安全應天元年

賀正旦

案高麗傳是年正月夏

亦有故獨高麗遣正旦使詔不賜曲宴與此不合

八月甲辰朔

當作八月壬申

賀天壽節

此後當加十二月丙午以符寶郎烏古論福

齡爲夏國生日使

八年

戊辰 應天二年

三月甲申夏樞密使李元吉觀文殿大

學士羅世昌等奏告

案紀十月夏國有兵遣使來告

此使或亦告兵事

十月己酉

酉當作卯

謝橫賜

案上無橫賜使又下無生日使亦係脫刊殆以

傳位事故略耶

衛紹王大安二年庚午改皇建元年

三年辛未遵頊光定元年

宣宗貞祐二年甲戌案紀八月夏人入邊移文責

之又十一月辛未荅夏國牒

興定四年庚辰案紀九月丙子陝西行省議和

元光二年癸未案遣山集馮延登碑爲夏國

接送伴使又李獻能傳有議和語

哀宗正大元年甲申十一月紀作十月戊午

二年乙酉十二月此下當加癸亥

三年

丙戌 王昶元年

十一月甲戌遣人使夏賀正旦 案此

使當卽趙秉文

卷六十

高麗交聘表上

太祖收國元年

乙未 王侯文孝十年

二年

丙申 文孝十一年

正月 正上當加閏

高麗遣蒲馬

至

聽爾自取 二十三字當改入天輔元年

格內 又高上當加八月癸亥

天輔二年

戊戌 文孝十三年

十二月遣亭墓木堊 月下當

加甲辰 木堊當作木亭

四年

庚子文孝十五年

詔使習顯

至

并貢方物

四十七字

當改入七年格內

七年

癸卯王楷恭孝元年

天會四年

丙午恭孝四年

六月

此下當加丙申朔

案韓

昉傳有索進誓表事

七月

此下當加丙寅

十一月遣高隨等爲賜高麗生日使

月下當加庚申

案此爲賜高麗生日之始

五年

丁未恭孝五年

八月以耶律居謹張淮爲宣慶高麗使

案趙子砥燕雲錄丁未九月金人遣燕人直史館王

樞奉使高麗令吳鼎口南官撰冊文與此不同

七年

己酉
恭孝七年

正月庚寅朔

寅當作辰

賀天清節

此後當加十一月乙卯高麗遣使來貢

熙宗天會十三年

乙卯
恭孝十三年

正月

此下當加丙午

朔高麗使衛尉少卿李仲衍賀正旦

遣使如高麗報哀

此上當加癸酉

此下當加及報卽

位

祭奠弔慰

此後當加戊戌詔諸國使賜宴不舉樂

賀登寶位

此後當加十二月癸亥始定朝賀賜宴朝辭

儀

十四年

丙辰 恭孝十四年

賀正旦

此後當加頒歷於高麗

賀萬壽節

此後當加三月丁酉高麗遣使來弔太后喪

吳澈爲賜高麗生日使

案中州集有詩

皇統四年

甲子 恭孝二十一年

正月癸卯朔

卯當作丑

六年

丙寅 恭孝二十四年

祭弔高麗

此下當加并起復嗣

王睨

七年

丁卯 睨莊孝元年

謝弔祭

此下當加起復

八年

戊辰 莊孝二年

賀萬壽節

此後當加二月壬子以哥

魯葛波等爲橫賜高麗使

又當加甲寅以大理卿宗

安等爲高麗王睨封冊使

海陵天德二年

庚午 莊孝四年

三月丙戌

當作六月丙午

朔

三年

辛未 莊孝五年

賀正旦

此後當加戊子高麗使賀生

辰

九月

此下當加庚戌

四年

壬申 莊孝六年

九月

此下當加丙午

貞元元年

癸酉 莊孝七年

正月辛卯

此下當加朔

受高麗貢獻

此後當加丙午高麗使賀生辰

九月

此下當加丁亥朔

二年

甲戌 莊孝八年

謝橫賜

當作賀遷都

正隆二年

丁丑 莊孝十一年

四月

此下當加戊戌

六年

辛巳 莊孝十五年

八月

此下當加癸亥

卷六十一

高麗交聘表中

世宗大定二年

壬午 莊孝十六年

十二月

至

賀正旦

十五

字當改入三年格內

又十二月當作正月壬辰朔

三年

癸未 莊孝十七年

三月壬辰朔高麗

七字當削

案

紀作二月庚寅

四年

甲申 莊孝十八年

九月以太子詹事烏古論三合月

下當加辛亥

詹上當加少

五年

乙酉
莊孝十九年

賀正旦

此下當加因朝辭諭以邊

事

三月庚戌

此下當加朔

賀萬春節

此下當加詔罷使人私進禮物

十月

此下當加辛巳

七年

丁亥
莊孝二十一年

賀萬春節

此後當加九月辛巳

以都水監李衛國爲高麗生日使

九年

己丑
莊孝二十三年

五月

此下當加丙辰朔

謝橫賜

北行日錄乾道五年十二月二十九日高麗使

人同見卽此

十一年

辛卯 時光孝元年

并以兄覲喪求封

喪當作病

案高麗史云使臣工部郎中庾應圭表略

五月

此下當加辛卯

丁卯

此上當加十二月

張明翼 傳作翼明

十二年

壬辰 光孝二年

衛尉少卿蔡祥正賀加上尊號 十

二字當削

十三年

癸巳 光孝三年

爲高麗生日使 案本傳時正月十

九日生故以十一月遣使

十四年

甲午 光孝四年

丙戌 此上當加二月

乙亥 此上當加四月

十五年 乙未 光孝五年 九月 此下當加辛卯

遣徐彥等 彥下當加甯

辛酉 此上當加閏月

奉表告奏 案拙軒集送田元長接伴奏告使詩卽此

十六年 丙申 光孝六年 十一月 此下當加甲子

戶部尙書 至 陳謝 二十七字當改入十七年格內賀正

旦文下

二十年 庚子 光孝十年 正月庚申朔 當作甲寅朔

以太常卿 卿上當加少

二十一年辛丑 賀萬春節 此後當加十一月

以口口口口爲高麗生日使

二十二年壬寅 三月辛未朔 此前當加正月

壬申朔高麗使賀正旦二月高麗進奉

二十四年甲辰 十月丙辰朔 紀作十一月甲

午

二十六年丙午 以宣孝太子至 各賜在館宴

二十六字當削

爲橫賜高麗使 此後當加十一月戊辰以拱衛直副都

指揮使韓景懋爲高麗生日使

二十七年

丁未光孝十七年

趙可爲高麗生日使

案中州

樂府有詞

二十九年

己酉光孝十九年

高麗使遣還

此後當加甲辰

遣使報哀于高麗

并祭奠

此後當加勅有司移報高麗天壽節九月一日

八月

此下當加丙辰

賀天壽節

此後當加九月庚午以尙輦局使崇德爲橫

賜高麗使

案見張行簡傳

謝橫賜

此後當加十一月丁丑以西上閣門使移刺邴

爲高麗生日使

卷六十二

高麗交聘表下

章宗明昌元年

庚戌光孝二十年

八月己酉

此前當加正

月丙辰朔高麗使賀正旦

賀天壽節 此後當加十一月辛未以西上閣門使移刺
撻不也爲高麗生日使

二年

辛亥光孝二十一年

賀正旦

此後當加丙寅遣使報

哀于高麗

檢尙書右僕射

檢下當加校

進奉

此後當加十一月丙寅以近侍局副使完顏匡爲

高麗生日使

三年

壬子
光孝二十二年

賀正旦

此後已加五月壬申朔

以尙書禮部員外郎李朮魯子元爲橫賜高麗使

八月辛丑朔

當作丁卯

進奉

此後當加十二月癸卯以東上閤門使張汝猷爲

高麗生日使

案拙軒集送張仲謀使三韓詩卽此

四年

癸丑
光孝二十三年

進奉

此後當加十二月甲辰以

乾石烈理爲高麗生日使

五年

甲寅
光孝二十四年

八月己丑朔

當作九月戊午朔

謝賜生日

此後當加辛酉以戶部郎中李敬義爲賜高

麗生日使

六年

乙卯
光孝二十五年

賀天壽節

此下當加十二月乙

卯以知登聞檢院賈益爲高麗生日使戶部員外郎納
蘭昉爲橫賜使

十二月丁丑

本傳立春前二日

此十二月當削

承安元年

丙辰
光孝二十六年

賀正旦

章紀七月乙酉勅

今後高麗使入見敷奏令新設通事具公服與閣門使

上殿監聽

進奉

此後當加十二月庚戌以同知登聞檢院阿不罕

德剛爲高麗生日使

二年丁巳光孝二十七年 進奉 此後當加十月庚辰尙書

省奏高麗牒報其王以老疾令母弟暉權國事

三年戊午暉靖孝元年 遣使宣問 四字當改四月丙申以

侍御史孫候爲宣問高麗王暉使

皓薨 薨當作廢

四年己未靖孝二年 正月丁酉高麗告哀 八字當削 案

史皓薨於靖孝五年實泰和二年也此年特疾廢耳安

得有告哀使耶且紀亦無文本表下文又無弔使乃作

表者自造之說不足據

三月 此下當加己亥

八月己酉 酉當作丑

五年

庚申靖孝三年

進奉

此後當加十月辛丑以禮部郎

中劉公憲爲高麗生日使

泰和元年

辛酉靖孝四年

賀正旦

此後當加五月戊寅以

直東上閤門劉頗爲橫賜高麗使

謝賜生日

此後當加高麗使謝橫賜

又當加十月戊

戌以武衛軍都指揮使判官納合鉉爲高麗生日使

二年

壬戌靖孝五年

謝賜生日

此後當加十月壬辰以尙

輦局副使李仲元爲高麗生日使

三年

癸亥靖孝六年

郭公儀賀天壽節

賀下當加正旦八

月甲子高麗使賀

謝賜生日 此後當加十月丙辰以尙食局使師孝爲高

麗生日使

四年

甲子靖孝七年

賀正旦 案傳有梨刀事

三月庚寅 當作正月辛卯

告哀 此後當加四月戊午以西上閣門使張偁等爲故

高麗國王王暉勅祭使東上閣門使石慤等爲高麗國

王王懃慰問起復橫賜使

八月乙丑 乙當作癸

五年

乙丑漢孝成元年

賀天壽節 此後當加十月庚申以

刑部員外郎李元忠爲高麗生日使

十一月辛巳 一元作二是

六年

丙寅 孝成二年

賀天壽節

此後當加十月□□以□

□□□爲高麗生日使

衛尉卿金升

此上當加十二月

七年

丁卯 孝成三年

賀正旦

本傳不賜曲宴

謝賜生日

此後當加十月辛亥以武庫令木甲法心爲

高麗生日使

八年

戊辰 孝成四年

賀正旦

此後當加十月辛未以吏部

郎中郭鄆爲高麗生日使

十月乙酉 當作己卯

衛紹王崇慶元年

壬申 祿元孝元年

此年當加口月口口高

麗遣中書舍人李儀奉求封口月口口遣大理卿完顏

惟基爲高麗封冊使

宣宗貞祐二年

甲戌 旺安孝元年

哀宗天興三年

甲午 安孝二十一年

金史詳校卷六

同治己巳三月烏程汪曰楨校寫于
紹興府城五雲門內開元寺宿賢堂